



O Strogotha Dacorum & Gothorū rex post Decebalum constitutus, diuturnum & amplissimum regnum obtinuit. Is tantis uirtutibus erat præditus, ut Orientales Gothi sese ab eo Ostrogothas denominarint. quāquam potius eos à loco sic dictos putem, ut alibi ostendemus. Primum illi bellum cum Vandalis, Marcomannis, & Quadis fuit. hisce propulsatis arma sua in Romanas prouincias conuertit, et tempore cum Philippi Cæsares rempublicam Romanam administrarent, Anno 245. Cum autem interea Gepidæ Dacorum fines uastarent, Ostrogotha domum rediit, & ad oppidū Galthes eos memorabili præ-

lio superauit. Postea Gothi sub hoc rege in summa tranquillitate uixerunt, atque suos fines latè produxerunt. Ioan. Mag. lib. 6. cap. 11.